

# 太白词并叙1

<p> 岐下频年大旱，祷于太白辄应，故作《迎送神辞》一篇五章。

其一 雷阗阗，山昼晦。风振野，神将驾。载云旰（2），从玉虬。旱既甚，蹶往救，道阻修兮。 其二 旌旗翻，疑有无。日惨变，神在涂。飞赤篆，诉闾阖。走阴符，行羽檄，万灵集兮。 其三 风为幄，云为盖。满堂烂，神既至。纷醉饱，锡以雨。百川溢，施沟渠，歌且舞兮。

其四 骑裔裔，车斑斑。鼓箫悲，神欲还。轰振凯，隐林谷。执妖厉，归献馘，千里肃兮。 其五 神之来，怅何晚。山重复，路幽远。神之去，飘莫追。德未报，民之思，永万祀兮。 （1）太白山在郿县。此诗乃苏轼代太守宋选所作。

（2）云旰（han）：同“云罕”。旌旗。（苏轼道家诗之系列：仙道类。本文由柏升整理提供）

<p><img src ="/static-img/BA1QZPKr7N7F9ySXBq8QNoSz-Ga-gV8qsqi3vq0kUDBHZkO7UAVBe8FSniVMV25j.jpg"></p><p><a href = "/pdf/759-太白词并叙1.pdf" rel="external nofollow" download="759-太白词并叙1.pdf" target="\_blank">下载本文pdf文件</a></p>